



**Vademecum Sive Praxis Opera Quotidiana Aliaque ritè  
peragendi, & per ea salutem & perfectionem propriam, ac  
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per  
sensus attinguntur, animæque potentiis se objiciunt

**Limpens, Ferdinand**

**Coloniæ Agrippinæ, 1744**

Crines.

---

---

Nutzungsbedingungen

[urn:nbn:de:hbz:466:1-54773](#)

Stephanum præ rabie Judæi , sicut & in Chri-  
stum.

Ungues.

**U**ngues tui pessimi. 4. Esd. 11. Hoc laceranti  
famam proximi , vel aliena rapienti appli-  
cari potest. Èdem horâ [ quâ Daniel prædi-  
cabat ] sermo completus est super Nabuchodono-  
sor, & ex hominibus abjectus est , corpus ejus infe-  
rium est , donec capilli ejus in similitudinem aqui-  
larum crescerent , & ungues ejus quasi avium.  
Dan. 4. Moraliter omnis peccator similis imò  
deterior factus est bestiis. Sinenses ungues pro-  
lixos tanquam nobilitatis ac ingenuitatis indi-  
cium amant. Nos meritò sorditiei ac pigritiæ  
adscribimus. Sicut & si quis in aliorum maxi-  
mè conspeku dentibus ungues præmordeat,  
licet sæpè pensum sive stylo soluto , sive ligato  
ab homine isti inurbanitati assueto vel concepti-  
bus suis abrepto elaboratum bonum sit , quod  
præmortos sapit ungues.

Crines.

**D**iscriminavit crinem capitii sui Judith. 10.  
Hoc Juditha fecit instinctu Dei. Utinam  
multæ mulieres non ornarent caput suum in-  
stinctu Diaboli, vanitatis, luxuriae. Hinc Apo-  
stolus 1. Timoth. 2. Mulieres in habitu ornato  
cum verecundia & sobrietate ornantes se , & non  
in tortis crinibus , sed quod decet mulieres pro-  
mutentes pietatem per opera bona. Absalon,  
quando

478      *Pars secunda de elevatione*  
*quando tondebat capillum capitis sui, temel in an-*  
*no, ponderabat capillos capitis sui ducentus siclis*  
*pondere publico.* 2. Reg. 14. Q. Quomodo hoc  
intelligendum sit, cum inconcepibile sit ca-  
pillis unius hominis anniversariā tonsione tan-  
tum ponderis inesse, quantum non habent bina  
ovium aut caprarum vellera, nem pè octo libras  
Romanas cum triente. R. Non hic agi de pon-  
dere, ut aliqui perperam sentiunt, sed de pretio.  
Hinc per to ponderabat, intellige appendebat ve-  
nales ducentis siclis, id est ducatis seu scutis au-  
reis octoginta monetæ Romanæ. Non tamen  
verosimile est tanti Regis filium quæstum ex ca-  
pillis suis publicè venum propositis quæsivisse,  
sed dono datos esse aliis, qui pretium antedi-  
ctum à puellis Solymitanis flavos illos ac rutilos  
capillos in sui capitibus adscititum ornatum ma-  
gnâ contentione ambientibus facillimè extor-  
quebant. Qui quinquaginta aliquot annorum  
reminiscitur, scit varia habuisse mulieres orna-  
menta capitis. Jam mos obtinet crispandi cri-  
nes, & magno sibi honori ducunt juvenes, si  
ad alloquium admittantur, dum crines mulie-  
ris ante speculum sedentis crispantur. Sic ex-  
gente levitati ac vanitati dedita semper nova  
proveniant vanitatum exempla. Sicut autem  
ipsum vanitatis instrumentum sive flava illa &  
oblonga cæsaries Absaloni 2. Reg. 18. Causa  
mortis corporalis fuit, dum eâ adhæsit conden-  
sa quercui & mulo, cui insederat, pertransfeun-  
te inter cælum & terram suspensus mansit. Sic  
istis ornamentis suis vanis mulieres & sibi &  
lasci-

lascivientibus juvenibus sœpè adferunt mortem animæ. O quām feliciùs anima sponsa Christi sponsum suum vulnerat *in uno crine colli sui*.  
Cant. 4. Id est affect one generosâ collum suum divino subjiciens jugo. Dalila *dormire eum*, [Samsonem] fecit super genua sua [lomnifica quædam fors ante in potu aut cibo dedit] & in sinu suo reclinare caput. *Vocavitque tonsorem*, & rasi septem crines ejus ( id est septem cincinnos, quibus constabat, & in quos velut in septem quasi catenulas distincta & collecta erat tota Samsonis cæstaries , vel capilli omnes ) & cœpit abigere eum, & à se repellere : statim enim ab eo fortitudo discessit. Et sic captio Philistæi statim eruunt oculos ejus, & duxerunt Gazam vinculum catenis, & clausum in carcere molere fecerunt.  
Jud. 16. Hæc historia multarum ferax est reflexionum bonarum. Dalila sive alia meretrix caro voluptas sic adimunt robur , sive gratias divinas voluptuario, & ita cadenti in potestatem Demonis eruuntur oculi mentis & residua bona, quæ habuerat principia. Ita ut in vilissimis juxta ac fœdissimis imposterum serviat Diabolo. O infelix adolescens, qui quiescit in talis Dalilæ sinu , & perdit vires corporis & animæ. Hoc sœpè magno Heroi contigit. Q. Quomodo intelligendum sit illud Samsonis: *Sirafum fuerit caput meum, recedet à me fortitudo mea, & deficiam ; eroque sicut cæteri hominum*. R. Fortitudinem Samsonis fuisse qualitatem supernaturaliter membris illius inditam ; sed à crine tanquam signo dependentem. Nam hoc

hoc expresso pacto eam Deus illi donārat, si Nazaræus esse perseveraret, & comam aleret. Et ad comprimendam animi superbiam securiū latebat tam eximum robur sub crinibus, hoc est sub re vilissima, débilissima, stupidissima. Ità Chrysoft, Ambros. Sicut autem olim Nazarei sive Deo dicati signum erat alere crines ita, ut novacula non ascenderet super eaput ejus. Ità modò religiosi curant sibi vel ex toto velex parte radi crines, in signum quòd omnia superflua à se abjiciant, & Deo se totos dedicarint.

Jam quòd Samsoni capilli renasci cœperint; & sic fortitudinem pristinam receperit: designat; quomodo peccator è Diaboli captivitate, novis à Deo gratiis velut novis aut pristinis acceptis viribus eruatur. Quòd autem Samson fortitudine pristinâ receptâ, & oratione ad Deum præmissâ columnis duabus succussis plures interfecit unà cum iis neoriens, quam ante viou occiderat. Factum ex instinctu divino. Juxta SS. PP. omnibus vitæ suæ gestis, & maximè ultroneâ stupendâque morte Samson præfiguravit Christum. Interim verè cecinit de Samson Poëta:

*Lenam non potuit, potuit fugare Leanan,*

*Quem fera non potuit vincere, vicit Hera,*  
*Erit pro crispani crine calvium, & pro fascia*  
*pectorali cilicum. Is. 3. Mutationem illam fu-*  
*turam prædictit Propheta Iudeis; dum Chal-*  
*dæi, vel etiam Romani exscindent Jerosolymam.* Sed idem multò acerbiùs experientur  
*in vita altera; qui hic ita dediti sunt vanitatibus.*

In sensu amoeniore etiam id applicatur vano  
mundi clienti religiosum statum pœnitentiæ  
causâ ingresso.

*Brachia.*

*S*llevarvi super pupillum manum meam (ei no-  
cui) etiam cum viderem me superiorem. Hu-  
merus meus à juncitura sua cadet, & brachium  
meum cum suis ossibus confringatur. Job 31. Fe-  
lix Judex & quivis aliis, qui ita in veritate con-  
testari potest, se proximo non nocuisse. In gla-  
dio suo non possederunt terram (Israelitæ Palæsti-  
nam) & brachium eorum non salvavit eos, sed  
dextera tua, & brachium tuum. Ps. 43. Hoe  
benè observa, qui per desertum mundi hujus  
ad terram promissionis ad cælum, non obstan-  
tibus tot hostibus, animæ prædonibus, te spe-  
ras perventurum. Maledictus qui confidit in  
homine, in se ipso, in brachio carneo. Illi  
soli innitere, qui fecit potentiam in brachio suo.  
Luc. 1. Et cuius fortitudo nec decurtata est, nec  
decurtari potest. O Domine, semper de me  
dic; *Manus mea auxiliabitur ei, & brachium*  
*meum confortabit eum.* Ps. 88. Brachium mulie-  
ris ad blandiendum id extendentis cavebo, &  
brachium meum ad illicita aliena non exten-  
dam. *Esto brachium nostrum in mane, & salus*  
*nostra in tempore tribulationis.* Is. 33. Brachia  
peccatorum conterentur, confirmat autem justos  
Dominus. Pl. 36.